

■ GLOSSA

Noss possess e dretg!

DA SILVIO CAMENISCH

Vai anc, stuessan nus pli 150 vegls burgais da Iliande parter noss possess e dretg cun almain 1500 novs burgais! Ina «Massen-einwanderung» da quella dimensiun na po noss «Städtele» betg tragutter. Sto noss Städtele gea render, vomitar. Qual Vias stuppadas, barrieras sbassadas il bler dal temp, la punt bloccada cun tut plain autos!, tegna quella insumma, cun tants sin ella e sur ella, la punt da noss Städtele. Iliande?

Cun ina immigraziun da massa uschia, 1500 burgais esters sin in mantun, tranteren bain er cun potenzial criminal, guarda quellas fatschas, quels mauns!, quellas fatschas e quels mauns na din betg manzegnans!, surexplotain nus noss pitschen bel Städtele. Iliande. Betg nus vegls 150 burgais ruinain, ma bain tants novs burgais, 1500 en in mantun, e tge martgà pitschen tragutta ina immigraziun da massa uschia? Nagin.

Davant las cassas dals grossists e las bancas spetgar ed avair pazienza che ti vesas las stailas. Tut-tina sin posta e staziun da viafier. Noss spital regional plain letgs chauds cun mal-sauns apparents ed invalids apparents. Schein kranke und Schein invalide. Ins ha enfaschè chau e chommas e bratscha e mussa, anora-vers, ina invaliditad apparenta pervia d'accident apparent, è gea uschia!



Nus vegls burgais, pitschen mantun da 150 che sa tegna ensemen sco vegls camarats, wir alte Kameraden, n'essan betg pronts, betg da parter noss possess e dretg cun 1500 burgais, esters. È noss possess e dretg! Partain nus betg cun mintgin. Partain nus cun nagin! Sto noss chantun vesair en. Ston nossas dretgiras er vesair en. A nus vai per il mantegniment dal possess. Il status quo sa cumprovà dapi la fundaziun dal paschaivel Städtele. Iliande.

Fiss anc, vai anc, stuessan la fin finala nus vegls burgais zum Städtele hinaus! per far plaz a burgais, esters! Quels en or sin noss possess e noss regress. Nus avessan mo da perder possess e regress e dretg, da gudagnar n'avessan nus nagut. Betg endretg, sch'ins dumonda nus ils vegls burgais. N'avain betg nus l'emprim dretg, n'essan betg nus qua il retg? Chaus dirs n'essan nus, betg, n'essan betg nus! Po adina tschantschar cun nus ma stuess s'adattar e tschantschar noss linguatg. Noss

linguatg vegn chapì, in auter linguatg na vegn betg chapì.

Noss possess e dretg betg pauc zuppain nus dals novs burgais. Nus fashain ils stgilats, zuppain noss glogns nossas nuschs nossas miscalcas en noss guauds, zonas da repaus vischinas. Tge, sche nus em-blidassan ils lieus e las zonas, vischinas? Fa nagut, dastgan mo betg vegnir en fauss mauns da bandits! Co zuppain nus noss immens possess en autezza da milliuns, giaschom, sulom ertà da noss babuns! O libra libra paupradad, stuessan nus parter tut noss possess cun burgais esters! Noss da vegl ennà numnà «Millionenviertel» a la Glennerstrasse/Schulhausstrasse na dain nus vegls possessurs betg nà, betg senza lungurus process!

Sädli – Altstadt, Landsgemeindeplatz, Glennerstrasse, Bahnhofstrasse, Sontga Clau, Giessli, Gravas, Sorts, Innergiessli, Muschna, Schlifras, Bual Sura, Paradiswäldli, Paradisgärtli, Schulstrasse, La Lutta, Quinclas, Crappa Gross, Strada... tut noss! La nova paupradad dastga defender Franciscus, sch'el vul nus vegls burgais dal Iliande defendain il noss cun tafradad sco poppa da noss egl! Quest pli pli davos losch cumbat d'identitad e suveranitàd vegl burgaisa, jau manegiel da vegls burgais vegl patratgar dal 19avel tschientaner manain nus a la fin, sch'i custass a nus la mort!